

安雅堂詩

安雅堂詩目錄

五言古二十四首

七言古十七首

五言律九十首

七言律九十首

五言排律十三首

七言排律一首

七言絕三十三首

六言絕二十一首

年家子丁克振

住韓燦

丁夢芝校正

安雅堂詩

篆陽宋 阮重叔著

五言古

上元公夫子

矯矯徂徠柏  
芾芾龍門桐  
靈鳳棲丹霞  
綵翮飛鸞雛  
吾師海嶽姿  
作賦凌空峒  
彈琴面少室  
雙鳥臨河嵩  
到今溱蔡間  
棠葉紛蒙茸  
聖朝應期運  
雷雨從飛龍  
詔拜青瑣闥  
一鶚橫高空  
袖中諫獵書  
愷切回宸聰  
東華退食暇  
幃幃幕開扶  
風參差奮長  
遂四座陳空

鑄美材盡吳越燕趙兼梁雍賤子牀下拜自哂同蕭  
逢愧匪鄭高密庶令吾道東時維孟夏月令旦薄天  
中師年甫愈艾膚澤如丹紅雲衣燦冰雪手策青芙  
蓉欲獻九如篇寒拙難爲工嘗聞滄海上貝闕羅珠  
宮羽人驂虬鸞歌嘯烟波通願師享黃髮德與天龜  
擊策名日月上坐收鼎耳功方將騎白鹿高揖尋韓  
終或充掃花使澹濃遙相從

贈官崇玄二章

翡翠巢蘭若瓊枝棲海鶴君子乘遐思翱翔嶺所託

冠撫長劍驅馬游京洛襖褐掛公卿絳灌爲之特  
大息昭王臺黃金久寂寞拂衣駕言邁去去青門郭  
良朋別路衢客子行復却燕趙異疇昔濁酒猶堪酌  
古來美豪達曾不羞翟籥繫爾青驪駒懷哉咏場藿

其二

驚風飄朔葉玄雁鳴中林豈無稻梁志浩然江海心  
借問客何遊言返故山岑平生懷五嶽杖策將幽尋  
褰裳欲從君畏此長淮深相知在顧盼豈必投兼金  
柯以叙綢繆三奏朱絃琴宵征易冰土勿爲霜露侵

惆悵薊門客俛仰嗟陸沉

贈別張蒼伯歸里

公孫昔未遇海上牧豪豬一旦躡麻鞋射策承明廡  
吾友張伯子千里稱駒駘觀書洞百家作賦鄙三都  
次余同濩落偃蹇守菰蘆衆人尊其耳笑我爲轅駒  
沈懷千載外高論追黃虞酒酣滅明燭殘雪埋戶樞  
盛年去如波况乃憂患俱上書來闕下名動卿大夫  
余方脫爵羅握手天一隅欲上昭王臺蔓艸又榛蕪  
感茲拂衣去不乞北兵厨收老轉惜別欲去復踟躕

賤子懷更苦不敢思尊鯁故園北山北松檜交竿竿  
君歸幸相思好夢安可無

先大夫諱日萬壽寺禮佛因示諸生

墜葉豈更榮流波無重回哀哀古孝子痛哭嗟餅罍  
嚼余少薄祐賦無凌雲才側間過庭訓愛惜如瓊瑰  
弱齡把鈴繫慈顏爲之開乾坤當百六梁木忽然摧  
譬彼玄鳥雛巢傾雖梁災譬彼松下艸霜落成枯老  
自我歌鮮民星紀凡屢該况乃泰符節隴山崔以巍  
松阡渺何處莫剪蒿與萊飄蕭生素髮膝下無嬰孩



緬想夜臺內惻惻傷其懷誓言守遺教敢令官方乖  
庶以清白風稍酬罔極哀宛彼鳴鵒詩俛仰誠悲哉

其二

倭依簷際燕嗷嗷林間烏經營哺其兒毛傷尾畢通  
人生非空桑二人誰則無匹庶有至性矧乃賢哲徒  
孝笋與甘泉感格良非誣義和無停策倏忽及桑榆  
榮名一不早回首空嗟吁椎牛而祭墓不及酒一盃  
紫綵與丹書何如菽水俱易哉二三子努力崇令圖  
及爾北堂親策名日月欄曾閤在晉黨咫尺非遙途

作歌以相警慎勿學老夫

祭沈少參岫陽

昔我先大夫掄材古豫州八紘羅鷺鷥一顧空驂騑  
之子起河朔豪邁無與儔射策居上第出宰臨東牟  
孤城兵火後父老嗟蜉蝣單車甫及境數政何優柔  
管絃遍衢巷多士歌薪樵翩翩遊冶兒買犢歸田疇  
甘雨赴期至黍稷皆盈篝明堂計循吏續冠東諸侯  
到今朱邑祠歌哭未暫休維時我同卿初服返海陬  
家有小丘壑園林頗清幽公餘屏騶馭杖屨相追游

臥觀溪月上醉聽松風適曰余方弱冠上書不見收  
感君恒劄屢匪從世法求憶君西歸日拔血別道周  
詎知纏百六小邑遭戈矛殺戮盡兒輩白骨高于丘  
先人痛已矣微軀亦幸留乾坤竟鼎沸四海合虔劉  
閭闔萬餘里鴻雁無飛郵聞君剖符竹千騎青海頭  
何圖遘讒口貝錦誰爲謀鳳凰鏃羽翮燕雀徒啁啾  
祇役赴隴首邂逅問所由痛哭呼穹蒼血淚零雙眸  
相視各老醜問我有子否昔別猶未鬚鬢髮忽如鵝  
握手更携酒沉醉咸陽樓言將歸王屋終老營菟裘

結廬百泉上，貧簞千畝耕。藏書一萬卷，足可恣冥搜。  
兄多杭稻田，四時飫新芻。汝如厭簪組，偕我盟鷺鷗。  
君懷敬通憤，兼抱西河憂。還家席未煖，沉疴遂無瘳。  
凶計至成紀，驚惶肝腸抽。隴水本鴟咽，悲風益颼颼。  
巨卿頻入夢，素車慙滯遯。故交日零落，俛仰嗟浮漚。  
矧余際家難，鵠鴒陷讎仇。昔君鳴琴日，顧我長悲愁。  
充耳豈回聽，覆轍將奚尤。緬想九原內，聞之亦啾啾。  
茲當發東浙，掛劍臨松楸。漉酒巾尚在，清樽絕獻酬。  
吁嗟子敬琴絃亡，真可惜。冷子雙琅玕，藥棘過王哀。

墨莊餘素業所未憂終窶哭罷顧王程欲去仍停輶  
回首蘇門道淚盡衡漳流

大雪自卦臺宿張秀才家

看山不厭遲暝色一何速雪花埋馬跡迴就田家宿  
秦風無索綯白板新泥屋主人貧且閒解種滿園竹  
苔云遠塵市新曆未曾讀昨因賽先農豚肩會宗族  
幸有濁醪存使君盡一斛夜聲靜鷄犬朝光見麋鹿  
告歸且復留公府下尺牘何日謝簪纓還山買黃犢  
丁酉季春赴任北平留別泰州守姜繼海

余以甲午春謬領隴頭節維時值天災厚地忽而裂  
可憐半秦民骨肉斃陶穴板屋盡丘墟堅城無遺堞  
余也對殘黎呼天眼流血雖懷蒼生憂內顧慙薄劣  
安得命世才同心拯危隄姜侯中州來熊車甫安轍  
下令減征徭秦人大歡悅共發橐中金審端視圭臬  
春鋪手自操經營及瑣屑庶民盡子來鼙鼓弗可擊  
麗譙乃翬飛高塘屹如鐵豺狼竟屏跡鴻雁有安宅  
憲府錄微勤馳書奏 朝列小臣蒙大賚蟠螭出  
御闕問誰爲佐理感君相提挈匡襄其不逮彌縫其

失缺茲當赴北平置酒未忍別古人有良規過剛則  
虞折君如百鍊金素絲果清絕濟之以委蛇發言捫  
其舌剛柔寬猛間斟酌貴明晰况復嘉陵役閭閻膏  
云竭努力策脩塗留心此倪臺大用佇可期比隆于  
獲契救淚強登車回首心惓惓

寄蕭舍之

昔事大司農并轡游京洛長歎願禱侶心期共然諾  
余多愁滑稽君善謔歡讌夜忘歸醒酣傾鑒落  
一麾先後出音書兩寂寞冥烟波萬餘里肝膽向誰暴

感物迹已陳懷人事如昨夢寐見顏色然疑醒時作  
矧余年齒衰削符隣絕漠楊舟在中流汎汎安所託  
之子秉遐義道遠情不薄南方有奇樹相思結紅萼  
封題寄塞垣清規代良藥

蜥蜴行

退食苦炎熱攪襟聊散帙青蠅何營營室小厭无益  
智勇兩無施未可張羅罽承塵多蜥蜴三五相儔匹  
見蠅忽如怒奮迅搖其尾須臾翻靜嘿臨敵轉恐慄  
將邇復斂身欲動或屈膝攻取勢多端精神迥專一



青蠅一何愚忘情似親暱呼吸飽唇吻百試不一失  
未卽盡驅除去我心所嫉吁嗟此小蟲暗合兵家術  
始焉弩在機終也刃出輒叶哀師老馬戰勝未敢必  
衰至則寡謀禍機戒不密可憐智伯頭竟爲仇人漆  
夏雨初晴同路屺望太守王心任郡丞劉聲玉

司李李公冶令君泛舟虎頭石作

出郭病良已物色新霽後旭日靄平疇輕烟冒遠岫  
柳岸雜鶯啼麥隴聞雉鳴參佐命方舟乘流望巖竇  
昔人挽大黃殪發拳石透遺跡榛莽間於菟昂其首

我輩際時康邊亭罷斥堠所憐薄領繁困人如介甫  
自公偶然暇壺觴欸清晝舉網山鱸魴開林走麋鹿  
山暝勿遽歸漁人可相就

游釣臺作

未雨山如醉旣雨山如醒遙遙水雲間蒼翠無時定  
我攜筇竹根捫蘿踐危磴平穿鷗鷺羣幽造鹿麋徑  
高峰矗層霄突兀有餘勁鳴榔潭底搖吹簫谷中應  
僧房水鳥棲松際孤烟凝薄暮且投綸闌干醉復凭

謁韓昌黎祠

先生海嶽姿實踐聖賢奧介立貞元朝正氣何浩浩  
著論續微言傳薪在原道微公表章力孰障狂瀾  
茲邦迺故里廟模儼圭瑁鄉人困豺虎生齒嗟凋耗  
安得奮雲旗再息鯨魚暴泰山不可躋俯仰餘深悼  
明禋展奉違餘生願執掃九原風雨中英爽冀來告  
宋徵書約游五峰時余有浙紹之行慨念別離

賦詩爲贈

宋子吾故人幼懷經世志豪舉類孔融然諾如季次  
筮仕古昌黎彈丸異乎地况乃半流亡斯民實憔悴

君携一僕至慨然有濃唱爰與父老約盡罷無名費  
拔雄擊豪宗談笑誅奸吏哀鴻四野集秋禾望遺穗  
道路絕豺狼男女安耕織我來誠信宿憑軾聞三異  
五峰高矗天拄笏看蒼翠抱被臥雲岑坐觀海日出  
茲當發會稽卽卮話難寐恭聞古人御剛柔在執轡  
賢哉西門豹佩韋豈無意世路日崎嶇太行未爲譬  
君子敬其身發言無太易何以贈余行周行祈相示  
回首共宿處依然白雲闕

韓子新歸中州詩以贈之

韓生何似儻雅志慕田疇結交盡豪俠座多荆聶流  
盧龍遼陽九鵠巢半爲鳩猛虎構其牙噬人如猘獍  
先幾貴明決盡室相與謀攀牽或徒步不辭道理脩  
始聞林慮好繼愛靈巖幽邑宰聞生來下榻如南州  
鄰里聞生來饋糧貽耕牛空同沒百載不能庀一杯  
金魚落人手白骨誰爲收生也具衣冠馬鬣封遺丘  
前年奉廣柳葬父南山頭謁余着麻屨夷然無所求  
郡乘久零落感愴懷溪憂山川風俗書佐我恣窮蒐  
君家有釣臺樓榭與雲浮倦言二三子携鼎命輕舟

垂竿發長嘯顧盼心悠悠今茲渡黃河余亦將南轡  
哲兄棲會稽卓爾梁鴻儔著書接宛委未肯干諸侯  
平安未妨寄以我當置郵行行且造廬庶幾一見不

苦熱篇

艤舟不能發矧茲天氣暘河流纔至胷目中如沸湯  
陽鳥豈不渴祝融何陸梁兀坐地盈尺展轉髀肉傷  
殘書搢作枕偃息投匡牀蚊蚋率其羣以我充餽糧  
攬衣還復起觸目飛粃糠晶晶塵尾柄爲爾徒摧戕  
倚檣望河漢朱鳥森光芒初弦出片月筦簟來微涼

魴鱖躍潛鴈鵲鳴方塘安能奮羽翼一舉凌雲翺  
放溜仲家淺見新月喜而有作

舟行百日餘甫踐千里道客子心已痲榜人口徒操  
快哉汶泗交安流隱飛瀑今晨張我帆彌望烟波浩  
郵籤瞬息更前村忽而到新月破層雲稚子驚相告  
率爾命盤樽衣裳任顛倒銀河澹欲沒遙天碧如掃  
愛茲素影涼頗覺步風好荒蒲白鷺眠高柳昏鴉噪  
隔岸喚漁翁長歌竟余傲

舟中遺懷

少年慕游俠座多高陽客笑登燕市樓  
流連風雨夕哀歌撫長劒鷄鳴呼五白  
一自歎離羣飲酒不鎔石

其二

夙志好詩書思與古人友雖無覆局姿  
奇文每在口聰明今漸衰記一或遺九  
努力學蠹魚悠然至船首

其三

憶昔快登臨健可方麋鹿振衣日觀峰  
杖策車箱谷筋力夫何如馳驅憚平陸  
何當餌紫芝逍遙飼黃犢

其四



生年將半百蹉跎不自料浮沉亦何爲俛仰堪一笑  
古來稱豪達豈必登津要中歲有微長鱸魚庶能釣  
其五

爲儒易成腐誤人惟薄宦取彼莠與苒紛糅失真贗  
載讀神農經悔爲尺符綰東臯田已荒歸耕未云晏  
其六

臂笑枕中書黃金欺劉向道逢龐翁叟叟言理無訛  
豁我游三山食霞飲瀝沆安期予比隣騎龍定相訪

七言古

長歌爲沈時沛孝廉生日作

代作

沈侯系白休文出卓犖丰姿美無匹當時作賦章華  
官七澤驂騑君第一余也慙乎趨後塵片言相許成  
膠漆爾我翩翩俱少年飛揚意氣生雲烟白銅堤上  
聞高咏黃鶴樓中幾醉眠誰謂陽春和者寡綵毫落  
紙千人傳幾年飄蕩干戈際握手燕山論往事闕下  
難陳賈誼書座間時露禰衡氣自是才人數每奇折  
腰手板將爲吏薊門雪花大如席記君懸弧是今夕

斗酒十千紛獻酬登堂盡是江海客壯志還看劍似  
霜流年坐歎髯如戟沈侯盡此金叵羅我令嬋娟二  
八爲君歌丈夫貴有四方志漢家邊吏功勲多駿馬  
貂裘行出塞君今不醉將如何

長歌贈吳雪航先生

先生昔當草昧初首排閭闔陳良書帝傍玉女不  
敢笑彼何御史能牽裾繡衣暫輟螭頭笏東向滄溟  
覽日月飛轡曾登落雁峰驅車直歷飲馬窟今皇  
敷政開明堂再條封事論否臧危詞激切絳灌怒愚

思不諒謂之狂九重詔下秋官議羣公未解朝廷意  
天子淺憐唐子方當殿惜無辛慶忌同伏青蒲長  
太息學士李君遭遠謫我公再拜荷優容果爾天心  
不可測冷署浮沉且閉關求羊三徑相追扳韋曲鶯  
花載酒過瀟橋風雪賦詩還聞道新增中謁者長門  
哀怨無人寫況復年來水旱頻豺虎縱橫雁滿野公  
也顧我涕霑襟風塵默默違寸心五畝芙蓉湖畔宅  
拂衣便欲抽朝簪汲黯昔稱社稷臣臨危不肯愛其  
身我公慎勿歌垂綸欲以文章報天子須使功名學

古人

翁玉于年兄以蕭尺木畫杜子美詩冊索題

蕭生畫手稱絕妙風格遠過文待詔曾貌天問與九  
歌荒唐隱怪皆殊肖三閭大夫色憔悴山鬼乘狸善  
窈窕解衣盤礴余在旁舉杯向天發狂嘯翁侯酷愛  
少陵詩驚人佳句常相隨手裂生絹三十幅蕭生一  
一丹青之浣花草堂若在眼劍門棧道橫參差罷樵  
歸來無長物獨携此冊還京師長安公卿頗好事書  
畫寧復論真假百鎰始購宣審杯千金贖買銅臺瓦

此圖一出，價必高。翁侯愛，不肯捨。即今送，謫轉蕭瑟。欲歸無舟，陸無馬。翁侯翁侯，誰令爾愛杜陵翁。千年坎壈，將無同。遺花采采，雁南度。笠澤烟水秋濛濛。君歸結廬在何處。欲攜孥學梁鴻。蕭生夙有五湖志，何不招隱來江東。嗚呼，何不招隱來江東。畫君與余持竿垂釣秋風中。

送別張九如之任興化太守

雖離雲際雁，汎汎沙中鷗。人生聚散不易料，片雲浮梗常悠悠。昔我逢君燕市初，放懷今古中情舒。官屬

司農分簿領，金驅竊馬乘。單車安事居然稱，敵手逐  
北君常負而走。同列驚從壁上觀，觥籌錯亂橫星斗。  
余也沈身在劇羅，君爲太息長悲歌。便解左驂欲相  
贖，使我涕淚如江波。作收闔天載素，琴風濤萬里聲。  
烟淡馮唐欲老不召見，延年出守非其心。故人官似  
黃楊厄，余亦飄搖江海客。男兒鬱鬱不自得，鵠栖燕  
壘何能釋。隼旗飛飛出國門，臨岐握手翻無言。回首  
長安舊酒徒，一時歷落如驚猿。五兩南征去不息，鷓  
鴒聲裏遙相憶。驛使何時發，武夷應折梅花寄顏色。

題松鶴圖爲仲兄五十壽

我兄之生歲在巳長余九齡雁行二憶昔 高堂無  
恙時綵衣拜舞肩相次小試筆攀赤羽旗揮毫競奪  
中原幟擢第猶能及老親小弟青雲偏折翅西子湖  
頭開早衙烏紗皂蓋神仙吏丹筆纔搖霹靂飛朱轡  
未出豺狼避自從海水變爲桑回頭萬事空茫茫蓼  
莪之章寧忍讀瓶傾壘恥心悲涼哀樂由來有至性  
每逢初度雁杯觴況復遭時倍坎壈驂騑未騁深摧  
藏珊瑚釣竿且須把清泉白石聊徜徉男兒七尺最



落風神奕奕鬚眉蒼去年余領西州敕省兄暫返  
停車軾隔家三舍報添丁握手歡呼動顏色懸弧恰  
值歲將除賀者盈門塗巷塞骨肉團圓喜且驚驪駒  
雙駕王程逼兄也扶病至西郊送我遙遙赴秦國  
但言清白學先人更愁道遠防眠食今年嘉平之下  
弦我兄五十開賓筵鵲鴿目斷猿猱澤鴻雁阻絕魚  
龍川隴頭梅花東不發寒枝欲折誰爲傳懸知滿堂  
奏絲管嘶卮西望咄咄巖愛子喃喃學爺語持鬚索  
哺嬌可憐豈知季父天涯外夢魂飛越心爲暈皋蘭

唐生善丘壑拂拭吳綾雅礫礪一揮散作赤城霞幾  
翠寫出青田鶴我緘此幅還明駝何以伴之銀鑿落  
彷彿雕梁素壁間箎奏塤吹儼酬酢羣仙山沒方壺  
山巖市金銀幻樓閣何須葛令贈丹砂自有安期留  
大藥吾家園林非一區春來萬籟鳴笙竽余年雖壯  
意已衰鄉心日夜思尊鱸芰荷衣就會當去九折之  
坂何崎嶇百年真樂在棠棣何如攬轡歸扮榆唐生  
唐生肯與俱我脫嘯嘯之裘爲之酤更逾五十杖而  
趨濡毫縮袖惟爾需齋我東臯二老圖

送別魯壁山將軍

將軍當年擁漢節  
痛哭秦庭眼流血  
奇謀不用大厦  
危銅駝荆棘空鳴咽  
今皇仗鉞初入關  
詔錄先朝舊豪傑  
公也脫校謁承明  
豐沛公侯驚歎絕  
方畧應推耿鄧儔  
游談詎數蘇張舌  
至尊親解御貂裘  
虎符繡鑿盤螭玦  
一舉掃清濟  
潔塵棘門漸上豺狼滅  
秦關要害古金城  
推轂因爲出塞行  
仲升節鉞新開府  
充國氏羌舊識名  
射鵬夜避烏蘭寨  
牧馬朝開細柳營  
一朝拂衣解兵柄  
掛冠直欲歸蓬瀛  
花門回紇

釐面留涓童隴叟攀前旌  
芭屨竹杖計已就餐霞煉  
藥身何輕與君相期游五嶽  
徘徊婚宦心縈縈君家  
仲連蹈海後笑擲千金如敝  
笏卽今三佩黃金印還  
鄉却乘牛車走篋裏純鉤  
玉轆轤宵來時作蛟龍吼  
邊吏愁看隴水流故人醉折  
秦亭柳聞道涼州羽檄  
飛吐谷軍屯張掖久安得馮  
唐爲上書旌旄復拜雲  
中守寧使山中老薜蘿須令  
塞上無刁斗願君驅馬  
莫匆匆明月關山一回首

送別俞脩仙歸新安

古人爲吏惜折腰今人爲吏愁吹毛渭城小邑大如  
掌百家殺盡十家逃俞侯年少專城居渭人始得歸  
田廬郭外行春策病馬壁間退食懸枯魚一朝徵中  
考功法拙宦違時乃承乏妻兒驢背坐復跌擔囊但  
有渠書壓君家舊在黃山曲武谿千轉清如玉拂衣  
長嘯山水間回首風塵真僕僕五柳門前菊欲黃布  
帆高掛蒹葭蒼歸去來兮倘相憶隴雁飛時書數行  
秋夜有懷胡蒼恒憲副作長歌寄之

故人昔領岷山節十日書來猶恨缺故人歸臥嵩陽

岑相思千里無好音憶在秦亭酌君酒觀面方新開  
聲久百杯以後得些些片語相要成白首壯哉君侯  
力如虎曾將綵筆題鸚鵡山縛轅門吐谷渾氏種謹  
歌羗女舞去秋八月兼段時飛筒寄我仇池詩開卷  
如聞十九泉淙淙幽壑寒流漸一朝長嘯拂衣去巾  
車東指咸陽路人向柴桑五柳村門臨少室三花樹  
邊人遮道苦死留惟我知君此舉誠良謀攜我綠玉  
樽攬君白豹裘縱轡隄臺之故壘振永數奇飛將之  
荒丘古來賢豪軼軻尚如此吾輩骯髒之骨難封侯

醉看吳鉤臥上馬北風吹淚雪滿野臨岐握手莫相  
忘歸雁城邊結蓮社社中鷗鷺應相待慚余尚是浮  
沉者君不見向子平泉糧五嶽稱逃名當年若無禽  
慶相周旋空山弔影徒惻惻我今何爲滯西隴一官  
偃蹇同雕甍戀棧終年違素心急流千丈輸君勇卜  
宅將從王粲居載酒同澆劉伶冢

贈蜀中李鵬海進士

昔君射策明光宮騰驤燕市騁騁空誰遣妖星逼天  
關卽湖竟墜烏號弓小臣攀髯死未得重爾萬里還

邦國劔閣差栽戰血腥豺狼竊據昏已樊入口淒涼  
何所歸窮途那免寒與飢長鑣作伴拾橡栗短褐不  
完歌采薇清渭灘頭釣魴鯉誅茅結屋將已矣亭邊  
呵止故將軍驢背誰知前進士青鞵竹笠秦川來登  
高懷古義皇臺酒酣拔劍鵬鴒舞夢回巫峽秋猿哀  
達人自古嗟飄蕩鼓刀而屠太公望天爵豈問虛  
淪徵書旦夕備谿上

送王酉山之閩

數人昔作恒州宰解組歸來今寸載璫東避世王君



公短笠長竿傍滄海詎意柴桑卧未堅一官遷謫向  
閩天閩天一去萬餘里男兒心事劇可憐鄉國豺狼  
兼蜥蜴豎毛礪爪相敦迫折將果樹付樵青強理鬚  
眉甘鐸白嗟余磬折風塵裏浮沉堪笑車生耳各有  
深愁言不了况復形容俱老矣君之諸孫是我甥大  
兒白晢能聰明來時繞膝問其姨歸日挽鬚解送行  
勸爾攜家愁薄糈團圓差足忘羈旅饕餮且飽荔枝  
香兒童應効奴問語聞道螺江征戰苦庚癸頻呼  
如雨好將心計佐藩宣莫學君家短主簿

贈別趙德侯

昔年同應賢良詔汾陽才子年最少  
蘇姑仙本謫塵表冰雪爲姿善寫寒  
燕山握手獨相憐歷落崎嶇頗  
同調狂歌擊筑酒人旁中夜登樓發  
長嘯出宰姑蘇有異聞吳人往往稱  
神君余也拏舟恰相訪載酒同  
醒要離墳今時強項難爲吏南箕具  
錦何紛紛解組翻能達幽討遍探禹  
穴發奇文十載故人消息斷忽  
向盧龍驅欵段乍認鬚眉各自驚  
共說遭逢有深嘆示我新詩字字工  
但道窮愁無畔岸已知綰綬誤潘

生更欲從戎學王粲聞道王師下夜郎銅標計日開  
南荒幕府誰能艸露布需君五色之筆如干將飲君  
塞上駝酥酒君其引滿盡一觴若逢驛使遙相憶早  
寄南征詩數行

釣臺圖歌贈馬蘭臺山人

九嶷山人聊翫世伏波將軍之苗裔家在漢陂紫閣  
間孤情獨與烟霞狎彈箏叩岳本秦聲裂艾爲衣皆  
楚製儒冠誤人幾半生秋風復雪劉蕡涕長焚筆硯  
事丹青淚墨吮毫稱絕藝橫劍酷似黃大癡細染還

崇吳仲圭近代以來數文沈嘉隆而後作者誰山人  
工意不工似匠心自由無專師盧龍山水頗不惡韓  
家釣臺尤最奇一峰高入白雲裏登樓坐見海滄溟  
游人欲繪每束手譬如寫照難鬚眉一日坐我悠然  
堂解衣礪礪無人窺須臾圖成掛諸壁高巖邃谷光  
參差瀨澹旋渦漁艇立窈冥洞口烟蘿垂主人韓生  
有狂癖此臺自爾高曾貽見圖再拜悲且喜重之不  
啻商尊彛便買貞珉勒山側酌酒欲告山雲知山人  
此別欲何往贈汝一枝筇竹杖避世宜從麋鹿羣結

廬高卧仙人掌寧恤牀頭妻子飢要令胸中丘壑長  
我今持節越王城蘭渚剡溪恣偃仰預拂霜綃以待  
君一揮欲使羣山響記取雪深一丈時山人須鼓山  
陰槩

哀辭

爲高二亮姪人作有身

蓋聞綽約無雙降嬋娟于帝子靈妃有耦每婉  
孌于風人贈珮仙姝拾翠隼來江澣散花天女  
乘雲偶到人間吹弄玉之簫並驂青鳳付雲英  
之杵交卽玄霜然而暮雨忽晴莫覓瑤姬之館

絳霞一散空悲阿閼之城宜詰士之鍾情爲佳  
人而掩袂望廬滋感偏傷潘岳之心易服而悲  
不免子荆之涕哀悼之作有自來矣孺人生於  
名閥幼秉異徵有文在手預占魯國之祥遇雪  
能詩不忝謝家之範雲鬟楚楚長眠翡翠之樓  
素腕盈盈善織鴛鴦之綺游洛濱之水飄若驚  
鴻來陌上之桑空勞駐馬三亮先生家擅琳瑯  
八疑瓊樹揆西京之詞賦曾題夢筆之橋訪南  
園之娉婷親歷浣紗之石感神巫之云吉復龜

笙之咸從渡蒼雪之溪迎來桃葉重海棠之價  
聘以梅花鄉是溫柔豈白雲之足美歌成宛轉  
恐素體之將飛織錦殘絲散作香奩之曲盡  
餘黛助成封禪之書鏡裏雙鸞忽散別賓之影  
雲端三鳥俄催閨苑之旌其始至也托靈鳳以  
爲媒其將歸焉以文魚而作勝香香蘅蕪嗟胡  
香之不驗珊珊珮玉恨齊客之無徵宜其撫錦  
瑟而歛歎對金釧而霜臆者矣昔者彥先贈  
陸子代以爲言奉倩傷神側生見而深慨其不

流韻金閨遺悲影管凡以聚絕代之難逢慰良  
朋之況瘁不可廢也爰拙短思而作長歌其辭

曰

高侯海岳文章伯前身應是仙人謫文姬滅沒已千  
年演作傳奇十八拍廣陵坐上牧之豪一日題遍金  
釵客美人如林看不足片帆訪麗若溪曲雲母爲簪  
蘭作橈載得嬋娟名碧玉碧玉家在白蘋湖冰雪生  
來指爪殊百兩將歸須吉士十年乃字感神巫日出  
東南秦氏樓使君有馬空躊躇偏愛陶潛五株柳不



羨石家百斛珠皎皎春華金跳脫沉沉秋月博山爐  
秋月春華經幾許嘗向鍼樓理機杼織得鮫綃束楚  
腰教成鸚鵡能吳語分明記得前溪舞羅袂飄飄  
輕舉古來尤物本移人月降星流信有神聞道嫦娥  
曾嫁羿或言洛女定爲鵩絳衣使者前致辭雲旗翠  
罕何駉駉君是玉皇香案吏妾歟蕊珠宮裏嬪六載  
塵緣勞纒眷此別茫茫幾時見語罷雕梁燕子悲泣  
來翠鳳搔頭顫掠髮還梳墮馬鬣彌留猶索蘋蘩薦  
可憐小院合歡枝碧紗無復流鶯囀黃洛山前飛暮

兩行人競酌夷光墓人間何處覓桃根天上祇應依  
桂蠹我聞此事涕霑裳歎息佳人葬北邙平子定情  
良足美潘岳哀歌亦可傷海外招魂方士死竺乾詎  
有胡僧香蓮物由來多恹瞢明珠易墮珊瑚泐高侯  
奇福兩曾消况是傾城難再得

穆賓年兄爲其太夫人廬墓歌以美之

昔君作吏長淮北升堂拜母歡相得石濩湖頭別幾  
秋寄書竟乏南飛翼去年奉母廣柳車麻衣徒步歸  
里閭倉皇未得走相唁炙鷄欲裹空谷超近聞馬鬣

已就封何以樹之梓與松白石爲垣茅作屋晨昏主  
食如殮喪素冠樂樂淚瀾瀾涕痕灑處繁英死夜半  
空山雷電過母也無驚兒在此小人有母早相捐音  
容髣髴留梧捲生兒未得一日養萬鍾泰竊嗟徒然  
君不見顏烏之冢高於山羣烏野土血斑斑又不見  
東陽許孜攀枝哭猛獸聞之殺麋鹿至性由來動鬼  
神蓼蓼者莪堪再讀北平郡志遭烽燧忠孝無徵罪  
長吏今看墓側淫芝馴白兔我將大事特書記其事

放歌行贈馬義徵

畫花如欲語畫鳥如欲飛徐黃已往不可作近數淮  
南馬布衣塞驢箬笠來燕市五侯屏幃生光輝尤善  
蒼鷹及鴻雁楓林颯颯蘆花稀霜華未下孤兔走碧  
波羣陂行藻肥我從隴首來攜得一鷗鷺顧影輒哀  
鳴交交念僞伍君繪其一桐花陰素壁雕龍相向舞  
雪衣化去委蒼苔丹青尚爾留風雨高士從來信不  
歸雲林迂絕虎頭癡狂歌白眼每驚座醉卧青樓醒  
畫眉鸕鷀典後復何有但言貴遍盧龍酒只今八月  
雁來時袖中秃筆還如帚一幅吳綃酹一斗

歲已亥暢月十有三日恭值我太僕長兄六表  
有二初度又四日則吾嫂張恭人設悅之吉蓋  
長于余兄者一焉碩人君子百年偕老闔內雍  
雍琴瑟在御雖詩人所咏葛覃樛木諸什何以  
過之宜其和能致祥以引無疆之年也玆繫官  
於外不克稱百年之觴者十三載於茲矣念具  
爾之無多如還轅於何日爰命畫師繪圖爲壽  
圖成而系之以詩俾童子誦以侑酒

神宗戊戌吾兄生是時吾父方筆耕長貧未免牛

永泣詩書口授從孺嬰解辯之無有深喜掌中珍譜  
如連城小弟懸弧在館舍嫂氏灼臍聞啼聲我母  
初來秉家政姑婦相依以爲命曉汲寒漿夜績麻二  
人不復憂溫清織紵常爲隣里師蘋蘩善體慈幃性  
稚布能安德耀粧劬勞獨抱桓君寶吾父東曹曾  
典選兄也出入蓬萊殿大官珍膳視羶薌上林芻藁  
輸圻甸同卿拜命佩銀黃滿朝動色公卿羨座上常  
盈珠履客五侯傾倒通宵宴機槍一起沸乾坤雁行  
零落今半存丹腹空餘堂構恨白楊堪泣鵲鴝原鵲

力年來猶矍鑠青鞵竹杖行丘園時共山僧談浩劫  
每從田父開芳樽絳人甲子已雙周琴瑟雍容至白  
頭圖德由來咏樛木小星無怨抱衾裯錦筵開日逢  
長至人同宮纓共添籌宗黨迎門致羊酒百年偕老  
真好迷有弟有弟在肥如側身東望空躊躇卽今謬  
兼金魚佩尚憶當時竹馬車官貧何物堪爲壽釣得  
鱖江雙鯽魚嫂氏中厨辦鹽豉烹之燕客當何如

白鳥行

濟州城北葦葦叢蚊蚋舉族巢其中子孫不知幾萬

億得時栩栩乘炎風飛而食人帝所命薄暮奮翅聲  
鑿鑿慣入雕甍及翠帳詎分舴艋與鰲鼉深闥驅遣  
損執扇中夜肥拂愁老翁二三游魂飽不颺獻鹹或  
染桃笙紅庶人火攻出下策男呻女吟宵難終漸近  
淮徐聞更盛此物亦復侈南宗吁嗟乎南山之虎尚  
可縛蠢爾小蟲何太惡利喙渾疑李鶴州輕趨頗似  
秦長脚夜譙誰乾鸚鵡螺蜚眠未穩鴛鴦幕趙女永  
肌啄作瑕楚妃玉臂甘如酪司令吾將罪祝融俾爾  
遺種今爲虐安得伯益焚山林掃清窟穴無栖託君



不見城闕千年老紫姑人肝作脯羣相呼何況區區  
肌與膚卽今跳梁何地無爾曹細瑣何足誅

五言律

巢磯

別渚王姬館危磯帝赫祠空山悲杜宇深夜舞馮夷  
赭岸如三峽青峯接九疑淝環風雨降英爽遍雲旗  
馮唐墓

馮公昔未遇執戟歎淹留一薦雲中守能寬漢主憂  
古碑荒蘚合高柳暮鴉秋自笑爲郎拙蕭蕭欲白頭  
宿涇陽驛簡傅愼和年兄

別酒臨江岸連鑣宿驛亭亂蛩催髮白疎雨逼燈青

父客征衣黯危樓鼓角停往來歷旅食空負使臣星  
其二

懷抱經年結村醪此夜歡明河秋不落白露月初寒  
官似吳江冷歌成蜀道難塞鴻相逐發一一向桑乾  
王敬哉先生招同黃卜周楊堯叟家兄荅吳游  
摩訶菴作

贊公寂滅後不復到雲林荒徑留紅藥空堂掩素琴  
松陰依滄長磬響入壑深倚杖斜陽外歸遲戀鳥音  
送李澹河掌科小制歸里

仙郎遠宦客，飄泊別清川。封事曾三殿，遺書泣九原。  
明星瞻嶠麓，春水問河源。寄謝雲山曲，歸心滿故園。

其二

夢我初罷咏之子，倍含婁去國鴻猶在。及關鶯正啼，  
清樽雙闕外。芳艸二陵西，爲誦加餐句。殷勤戒馬蹄，  
送高勵昌孝廉守制。

秋水青門外，含婁挽素車。感君孺子泣，使我故人嗟。  
荒艸迷歸騎，孤帆隱暮笳。夢我那忍讀，聊復誦兼良。

其二

良友悲遺線扁舟跣步回何堪烏鳥恨重以鵲鴒哀  
白菟能依墓黃金欲築臺莫愁書不達北雁又將來  
長春寺上人送菜

園叟攜筐至青絲束紫莖佐予脫粟飯分爾露葵羹  
野客能忘酒家人不辨名伊蒲新雨後來看月華盈  
送趙肩魯之任萬年

送君薊門外飛鳥豫章城小邑仍愁稅南荒未解兵  
彈琴驅虎去買犢勸農耕東帶應多暇匡廬踏月行

其二

少年依下里奇字問東隣  
方冷千秋淚輒坤雙鯢民  
鱸魚吾有夢澤雉爾能馴  
潘岳初爲令風波敬此身  
其三

見說予兄病兼裁令弟書  
平安無使到蕭索傍誰居  
橘柚美人思蒹葭使者車  
若逢彭蠡雁莫使好音疎  
送侄稼菴之興安令

爾作銅章吏予慙華髮翁  
香隨荀令綬馬羨鮑家騶  
井邑干戈後家園涕淚中  
先人俱出牧清白是良弓

其二

仲容才本健叔夜少而孤莫惜折腰苦須寬箠口租  
九江看虎渡大澤有鴻呼到日梅花發題詩寄老夫  
白仲調太夫人壽詩

蚤歲歌黃鵠諸郎美紫駟棗花迷甲子鶴髮閱春秋  
笛奏雙成曲笙吹十二樓徽音齊范母彤管至今留

其二

貝葉金仙偈蓮臺繡佛前斷葱明大義服桂引長年  
縣圖瓊爲樹方壺海作田登堂慙東晉欲補白華篇  
月夜張華平趙次公張蒼伯小集瓊園

平生多所負不獨爲青山明月一樽酒主人千里還  
孤琴鴻雁外殘雪薜蘿間歲晏真蕭瑟因君且閉關  
甲午春日道出頓丘先大夫舊游地也拜瞻祠  
宇涕泗泫然感而賦詩得十首

初入境

勝地嚴君宰猶聞五袴歌種花今尚滿攬轡此重過  
遺老悲棠葉孤兒感蓼莪我心烽火後流涕向山河  
望城郭

昔憐鳴琴暇言從竹馬兒今來持節拜已及杖鳩時



九折王尊馭千秋朱邑祠蕭蕭松柏影風雨護南枝  
拜 先大夫于益詠堂

異政西門紀空堂北郭間餘恩兼夏日墮淚滿秋山  
伏臘羔羊獻笙歌雉子班征衣問風駕無奈苦追攀

謁

先師于澤宮

清學宮爲先君所建

仰止懷宣聖經營首闕宮犧樽春殿裏絲竹古牆中  
遺構靈光在宏規闕里同煌煌三秀艸已兆桂花叢

謁

先大夫于名宦祠

賈父仍名子桐鄉卽是家山川留碧血俎豆換青雲

沈公鎮會露冕懷雙鹿虞人頌五祀漢庭循吏傳不  
爲嶺臣令數用隨車

傷清先達李布宸諸君子之沒

千旄耿上國結駟舊名都君子曾貽約先人每式藍  
空餘羊舌油猶憶鯉庭趨欲續招魂賦巫陽不可呼  
清之名彥鄭羽宸杜允良李方壺輩皆先君門  
下士相繼而歿詩以哀之

臯比橫經日生徒葛屨盈伊人懷杜預吾道在康成  
負杖悲梁木脩文各玉京鄰家墜筍切倍使旅魂驚

清有二使館皆先君鼎新

皇華使者署南北此停鑣客至渾忘暑功成不費陶  
堪遲博望節詎有澤門謠四牡今來止光輝感聖朝  
頓丘官署

來青曾築閣聽雪舊名軒奉母烏桲樹留賓綠玉樽  
高齋眠鶴子新雨長桐孫尚想過庭日班承爛寢門  
先祠墻垣半圯子水豫章徐公豫齋脩築堅好  
終篇專美并以志感

遷愛歌誰嗣雙鳬自豫章聲名徐孺榻碑版益公堂

歸復蘋蘩永摘文選巨光九原如可作錫類誼難忘  
送張康侯進士赴選

才子半爲吏如君方少年一時驚綵筆五里聽朱絃  
雨雪關山道音書鴻雁天梅花春信好寄我上陵篇  
詩大駕有亭于山陵

其二

葭莢露蒼蒼弓刀客子裝秦風餘職駟漢使重星郎  
掣電徠天馬彈琴引鳳凰定蒙宣室問災異說維桑  
時天水地震

送東雲離孝廉

絕塞論文地，清秋送客歸。  
長天驅馬去，昨夜早鴻飛。  
藥畧還家減，書郵過隴稀。  
承明需射策，莫戀故山薇。

其二

羨爾能高臥，違華峯下居。  
青袍雙鬢老，黃葉一陵疎。  
已著潛夫論，還陳災異書。  
故人京洛遍，問訊近何如。

同歐陽介菴拜杜子美祠堂

少陵栖隱處，古屋鎖蒼苔。  
峭壁星辰上，驚濤風雨來。  
人從三峽去，地入七歌哀。  
欲作招魂賦，臨流首重回。

甲午初冬同趙一鶴歐陽介菴宿鷄山寺

洞壑迷青靄松杉隱白毫客來秋已盡坐久月初高  
天外羣峯小雲端板屋半明朝臨絕頂筋力未辭勞

其二

鷲嶺何年關鷄巢此地傳松聲長似雨巒氣自成烟  
夢散疎鍾外心清古佛前欲從仙吏隱結宇共棲禪

其三

看山心倍勇聞磬夜何清虎傍禪牀穴人從木杪行  
振衣霑石色高枕納泉聲美爾仇池長頻來展齒輕

寄懷胡蒼恒憲副

絕域悲行役同君賦遠游共懷五嶽志各有百年愁  
黃葉岷山早青天渭水流相思倍蕭索中夜倚層樓

其二

壯志堪乘障浮名悔入關人疑龍性傲官似馬曹閒  
板屋青羗俗柴扉紫邏山邊城須衛霍未許拂衣還

其三

仇池山四面百里少經過愧我勞車馬輪君踐薜蘿  
題詩猿鳥慙寄語水雲多欲擬天台賦其如疎嬾何

其四

相知方恨晚相見一何疎  
拙宦憐同調孤城奈索居  
秦關砧響夜羌笛雁飛初  
賴有洮河鯉遙將尺素書

其五

詩筒勞驛使招隱有新篇  
厭見關山月言耕涼水田  
黃精能駐老濁酒易忘年  
余亦滄浪客歸心爲爾堅

其六

聳君輕紱冕鈴閣鎮秋扃  
昨日一書至伊余雙淚零  
愁邊秋艸合望裏暮雲停  
安得聯床語更深煮茯苓



其七

一官如宕子萬里隴頭分旅况蕭條見家燕涕泗  
防身豺虎窟玩世鹿麋羣七發慚枚叟何山起使君  
送別嚴方公任南安大參

其二

歎息予宗衮掄文七澤廻江山歸藻鏡竹箭得卿才  
華屋羊曇淚片帆宋玉哀遺孤常在念此誼古人裁

其三

靈書來隴上征旆指江關檄到龍鼉宅詩留鳥鼠山  
嶺旂憑使寄塞柳爲君攀竹羨樓船外壺漿遍百蠻

其四

王程過栗里洗沐試萊衣氣辨雙龍劍家傳一釣磯  
君王容岳牧才子老戎機鵲首遲遲發乘秋向北飛  
贈門人張惠之

試舉西州士驂駟爾獨先家餘博物志手注養生篇  
倣儻龍爲友窮愁硯作田相期游太華嶽頂開青蓮

寄王敬哉詹尹

不見王詹事相思隔禁林  
傳經家學遠求劍主恩深  
萬里驅車地三年避弋心  
瑤華如可寄一和隴頭吟

其二

自作秦亭客邊鴻幾度飛  
有書常隱姓無夢不霑衣  
憶在碧雲寺飽看紅葉歸  
此游何日再翹首向王畿  
冷心芬懷詩四首

有序

順治丙申又五月朔三日驚聞吾友故川南道  
梅菴冷老社翁之訃社弟米琬具要經爲位千

寢門之外而哭會有他務不暇爲文以祭爰作  
輓詩四章寄於殯所之靈厝馬嗟乎余與先生  
交未數數而氣誼相許都在世法綢繆之外感  
中道之棄予悼儻言之不作素車千里莫登元  
伯之廬哀笛數聲空抱稽生之恨今茲偶句聊  
寫悲懷幕府諸君並背石友其爲我誦于總雉  
之側廣而和之以賞招魂離露之歌可乎魂而  
有知庶稍慰于夜臺也

奕奕征南幕翩翩記室才徵軍詩獨老瞻蜀志堪哀

枝上啼鵲去梁間有鴈來  
君王明月夜爲爾罷金罍

其二

獻捷巴西日遙傳露布文  
饒歌餘鷺曲筆陣亞鵝羣  
旅櫬金牛峽招魂白帝雲  
羊欣裙一葉挹翫倍思君

其三

應劉俱不永天意如吾曹  
劍外逢丹旆軍中惜彩毫  
良朋袁范式令子是枚臯  
遙掬嘉陵水臨風薦一毛

其四

頗恨同心遠誰知其物歸  
定交非握手間諱忽霜雪

人掛思瓊樹琴心惜玉徵他年華表鶴應向錦城  
湖亭

蘭若城邊寺蒹葭水際亭數椽留劫火千樹覆寒汀  
明月羌村笛秋風佛閣鈴頻來直不厭徙倚暮山青

其二

移柳纔盈把栽荷不滿簍長條堪繫馬新葉恰藏鷗  
近拜兼官俸能添一葉舟憑軒聊假寐且緩夢滄洲  
秋夜同郭函九高虞賓王山公姜繼海觀天水

石泉有作

不淺尋源興因成秉燭游入林驚宿鷺篝火聚輕簾  
金屑宜朝汲銀河迴夜流歸鞍見殘月趑趄艸蟲秋

其二

萬斛明珠湧噴吼古柳根渚名出此得遺跡至今存  
昂水陸鴻漸探奇鄙道元芒屨應未到何用著書繁  
清水道中

隴阪高無極清秋望更賒石林千疊水板屋幾人家  
古驛羊酥飯空山燕麥花停驂問耆舊井稅龍頸泉  
馬跑泉

碧折秦亭路停車有勝游山逢秋雨霽坐愛石泉流  
髡柳迷深岸荒蒲接遠疇吾將勸疏鑿乘月鼓漁舟  
雨後湖亭分韻二首

放衙無一事岸贖出孤城柳重低烟色蒼林碎雨聲  
涼雲依岫斷秋水照衣明欲采芙蓉去高樓暮角橫  
其二

秋原新霽後藉艸愛長堤橋影臥花鴨波光浴竹鷄  
好峯青可數遠樹碧俱迷閑守詩生在清標爲我攜  
其三



秦山如吏俗晴望轉悠哉把酒分青蓋行吟遇綠苔  
波間鷗不去風急雁將來屐齒頻相過山僧亦見猜  
徽州署中見新笋喜而賦之

南國誇冬笋貧管此地繁充君青玉案剗削白雲根  
嫩可忘烹茗清應妬灌園野人三飯飽真不羨熊蹯  
喜周華岑見過

不見伊人久曾貽雙鯉魚足音萬里外心事十年餘  
俯仰驚新曆悲歡問故廬夜闌疑夢寐顛使綠樽虛

尚憶天津口孤帆入海年  
野村看廢市高枕對樓船  
多難餘生在浮名知己憐  
龍頭今夜月似爲故人圓  
王心古以紉故解職詩以慰之

爾作當亭宰三年實苦辛  
罷官人不信垂橐吏何貧  
松菊陶元亮綸竿鄭子真  
坐令賢者去使節愧風塵  
聞道吳門外君家小輞川  
衣冠成白社烟雨似藍田  
此去尋遺跡言歸買畫船  
好將南北垞紉與右丞傳  
冬夜大雪過郭函九先生

繩床無俗客，碁局爲余留。恰遇樽前雪，言登竹裏樓。  
聞琴滋別淚，燒燭奪更籌。最是離憂切，非關學子猷。

其二

征馬欲駸駸，高齋此暫臨。話因杯酒咽，愁與夜寒深。  
客奏廣陵散，詩裁隴水吟。今宵羗管急，感激爲知音。  
丁酉仲春夜拜別杜少陵艸堂，因識于有客亭。  
最愛溪山好，因成五夜游。碧潭春響亂，紅樹曉香浮。  
稼粟遺歌在，蘋蘩過客脩。少陵如可起，爲我聽吳謳。  
涇水清爲張爨友，明府作

一石涇河水由來五斗泥如何清似玉復道碧如黎  
禾黍周原沃風沙漢時逃使君真不染聚鶴正新携  
丁酉除夕同家兄姪及諸親友守歲盧龍

幾載別天涯團圓喜復悲同堂雙病叟再世兩孤兒  
華髮衰徵早青山歸夢遲交親聊慰藉酌罷淚如絲  
其二

地自居龍塞年將及鵬冠傳柑一黨聚羅雀一官寒  
天意冰霜滅兒曹笑語闌辛盤燭裏疑是故園看  
燕子

燕子何時到三春遼海西不嫌官舍冷來傍畫梁棲  
風雨爲巢苦雌雄置力齊吾家有孤姪黽勉屬山妻  
趙次公過訪北平同大奎華巖分韻得刪字一

多難成吾老憐君非昔顏且留花下酌共看雨中山  
文倚窮愁長人從放逐閒含妻問鄉國似比太行艱  
其二

追隨因孝友兩世一綈袍客自驚霜鬢天如忌彩毫  
心期還我輩項領讓兒曹此地堪憑弔同觀八月濤  
恭和太司寇白夫子見貽二首

百尺龍門峻傳薪獨未能守官承素訓閉道愧良朋  
幾載虛函席終身在飲水王程歸太速徙倚意難勝

其二

文章韓吏部弟子有崔羣問俗肥如國言酬孤竹君  
塞鴻還自集邊日易爲隰袞繡何時把空瞻五色雲  
臺成長益雲雛爾止見過分韻得宵字

小築功初就登臨極望遙霞明偏在夕山色最宜朝  
課僕營花檻逢人乞藥苗月明佳客至吹笛坐深宵  
七夕同雲雛晦生大塗分得孫字

鵲駕傳今夕，鍼樓舊俗存。  
歲時纔一見，牛女竟何言。  
月伴黃姑寢，雲開清漢翻。  
自安潘令拙，不敢佞天孫。

己亥二日同李考叔諸子分得垣字

樵花如昨夜，列炬坐西軒。  
上客來江海，浮生老塞垣。  
蟹胥思土俗，鷄跖足盤飧。  
刻漏無須問，年華好細論。

宿五峯山

爲踐溪山約，捫蘿到翠微。  
松光青不定，海氣白成圍。  
待月穿雲徑，留僧宿石扉。  
莫教官騎促，吾醉欲忘歸。

西峯雨中作

雲霞星河近人同野鳥棲片雲孤嶂起一雨萬松迷  
城郭微微見峯巒漠漠低不妨苔路滑更欲杖青藜

東五峯作

已謂西峯好東峯亦不羣懸崖疑削刃古木善藏雲  
海色朝來變泉聲雨後分何年此高卧自剪薜蘿裙

雲峯寺

借得樵人笠來過道者山簿書聊自假屐齒未曾閒  
樹老蟬聲合碑殘鳥篆斑高寒碣石在何日復重攀

偏涼汀四首



謝公高卧處  
屐齒至今留  
峯影朝臨牖  
波光夜入樓  
長松千笏立  
大海一枰浮  
欲訪三山去  
凌風一放舟

其二

北地園林少  
尤難近里間  
樓臺新霽色  
城郭暮烟餘  
野飯春菰米  
霜刀膾鯽魚  
狂歌明月下  
歸棹每徐徐

其三

白石村邊路  
何如華子崗  
菱荷香作屋  
薜荔蔓爲牆  
載酒偕裴廸  
抽毫憶謝莊  
憑欄意無限  
魚鳥欲相忘

其四

松徑蒼無際沙洲碧幾灣  
蟲聲秋雨外漁笛夕陽間  
怪石隨高下輕舸自往還  
羣鷗渾不去似愛主人閒  
同王蘭陔工部重游五峰候高欽亮不至

已共山僧別爲因水部過  
白雲相識舊紅葉再來多  
三井氣含雨羣峰勢欲波  
啣杯思謝眺徒倚向巖阿

七言律

遣懷 蕪暑景臨拓小屋一間爲書舍

年來憔悴客江關  
艸艸經營水石間  
漸喜疎桐能受雨  
尚憐新竹未成班  
官同社燕秋南北  
門對江鷗日往還  
歸計祇今餘白髮  
移家終欲傍青山

贈路品王

與君醉別射陽湖  
蒹葭蒼蒼片月孤  
世事頻移驚塞馬  
天涯相對歎檣烏  
十年老矣陳琳艸  
千里歸歟張翰鱸  
回首西冷簫鼓夜  
一時意氣至今無

寄唐翌辰隱君

問訊東園老布衣，蕭然松菊對柴扉。  
閒眠白石牽黃犢，時踏青鞵到翠微。  
孺子曾逢橋上履，丈人久息漢陰機。  
當年洛社諸先輩，杖屨如君近亦稀。

發鵠茲陳伯璣欲留至維揚弗果次采石爲別  
纔買蒲帆指秣陵，青山此日興堪乘。  
飢來自笑空倉雀，歸去真如脫鞵鷹。  
荻岸風多搖鷺影，江湖夜落見漁燈。  
蕪城八月枚生筆，欲起觀濤病未能。

拜梁少司農墓

少府名高漢列卿露華仙掌立金莖尚思東閣開筵  
日無復南宮曳履聲一代風流悲謝傅百年經術有  
玄成門人痛哭西州路松柏蕭蕭問九京

其二

老矣鹽車滯短轅竭來梁苑賦招魂星辰未黯高陽  
里鷄絮難酬國士恩淅淅秋風吹汴水萋萋衰艸徧  
夷門芙蓉搖落銀灣曲何日重陪雪夜樽

過淇留贈柴雲巖明府

嫋嫋西風驚素波美人迢遞意如何客來真見魚生

釜盜去還同虎渡河  
飀子寒沙天外盡  
太行秋色雨中多  
淇園父老今零落  
猶唱菁菁葦竹歌

贈趙州守孔覺所

使君五馬玉爲珂  
退食從容逸興多  
典郡已聞神雀下  
傳家堪續獲麟歌  
漢王臺畔秋風起  
來武城南羽騎過  
此日一樽開北海  
憐余霜鬢又滹沱

劉越石聞鷄處

衰柳平沙古渡村  
傳聞此地舞劉琨  
鞭惟祖逖能先  
石客有盧譙感舊恩  
江左衣冠空北顧  
古來天地此

中原鷄聲依舊清霜曉招得并獵萬里魂

真定晤杜子濂年兄

滹沱秋水漸征車袖裏懷君尺素書  
薊北月明飛雁夕淮南露冷桂花初  
夢回關塞青楓老病起江湖白髮疎  
山色朝來堪拄頰畫簾樽酒對相於

邯鄲

趙王宮北古叢臺歌舞當年翠輦來  
白馬大梁公子過黃金東海魯連回  
三千珠履人何往十五銀箏歌自哀  
寂寞平原杯土在麒麟荒缺卧蒼苔

漳河

悠悠驅馬渡漳河  
河上秋風落木多  
鐵鳳高飛沉碧瓦  
玉鳬深閉長青莎  
平原蕭瑟游麋鹿  
古堞參差牧駱駝  
況是應劉俱泯寞  
中流慷慨一悲歌

驛夜

濁酒更深醉不辭  
短檠疎簾怯涼颼  
樓邊哀雁飛何早  
海上鱸魚歸又遲  
銀漢欲斜爲客夜  
金釵初墜憶眠時  
空閨應有刀環夢  
泣向流黃說鬢絲

邢州初度



逶迤關山木葉稀故園又負釣魚磯  
明河射角夜將半秋露如珠客未歸  
蟋蟀多愁啼復咽寒螢無力倦還飛  
誰知八月乘槎者猶着單衫越布衣

銅雀臺

三臺縹緲鬱相望俯眺中原接太行  
鳳觜香殘歌舞散魚鱗瓦冷館池荒  
漆燈詎有千年焰總帳空施八尺牀  
何似金人汾水上茂陵風雨泣劉郎

送旣庭孝廉南歸

杜宇聲聲飛柳綿青門催送孝廉船  
纔辭梁獄逢君

日又是秦庭逐客年惜別欲成芳艸夢懷人須有濟  
江篇故園不乏論文友說與離愁亦黯然

送右之

吾宗小阮嗣風流車馬翩翩京洛游到日機雲推二  
妙還家李郭在扁舟我從郎署羞顏駟君向天門問  
塵脩明月蒼蒼葭莖曲可能相憶百花洲

送疇三

先朝驄馬舊威儀堦下森森玉樹枝才子終軍能作  
賦世家韋孟有遺詩驂騑北顧風雲動鴻雁南飛

翮垂相送登臨還極日照王臺艸正迷離

送別李素臣歸荒隱艸堂

送客傷心出薊都朔風吹淚到檣烏難逢徇監文偏  
賤歸問鱸魚興不孤卧病幾年羞髮鬢故人多半在  
江湖相思試折南枝寄東閣官梅尚有無

送趙肩魯成進士歸里

有客言歸碣石宮錦袍車騎自雍容舟中共美李元  
禮洛下驚看陸士龍白鶴朱絃堪並載青箱玄艸舊  
相從故人若問燕臺客爲說窮愁事事慵

送李鏡月孝廉歸揚州

淮南落日水增波，客子先秋欲渡河。  
鴻雁隔江應未到，青山作屋許誰過。  
愁來但有傷心賦，夜半空聞扣角歌。  
不可久留叢桂樹，王孫相向意如何。

報唐采臣戶部時自寧夏還朝

使君書札勸加餐，又報征車發賀蘭。  
秦地關山留庾信，漢家鹽鐵問桓寬。  
飛鴻夜度朱絃冷，邊馬晨嘶白朔寒。  
遷客隴頭憔悴甚，故人傳語到長安。

賀曾庭聞舉孝廉

庭聞江右人  
易名中泰榜

誰言才子竟蹉跎天馬西徠萬里過名姓在秦張祿  
貴文章入洛陸機多漢廷竹奏凌雲筆羌笛爭傳出  
塞歌隴上梅花憑驛使好將雙鯉下黃河

陳曼仙年兄毛香林寅丈以五泉亭子初成邀  
余過賞慨然欲往賦詩報之

使君雙騎發臯蘭報道新亭已可觀繞向巖邊開絕  
構更從檻外出飛湍葛巾艸屐誰相過惟石孤松手  
自安三月黃河濤浪穩憑欄須與故人看

其二

幽亭高下許相聞，尺素招邀意倍殷。  
每惟烟霞若獨擅，肯容泉石客平分。  
枕流一爲留黃鳥，停策還來訪白雲。  
拚取登臨須盡醉，濁醪十石屬參軍。

南安閱兵贈貞菴劉大將軍

元戎千隊擁輕裘，試馬平原春艸柔。  
犀甲凌風開越練，玉鞍迴日晃吳鉤。  
將軍樹繞黃河曲，都護驄閒青海流。  
幾部笙歌歸騎簇，銑吹一半是涼州。

乙未四月大雪同李嘉木何伯玉馮虞卿登太

虛樓得華字

高閣霏微隴樹遮登臨極目敞瑤華三春已逐孤鴻  
盡四月猶飛六出花穿葉流鶯嬌不語到簷輕燕去  
還斜問奇我愧談經客空使諸生滿絳紗

直指聶按臺按部南安是日瑞雪適至口占志  
喜

塞表傳呼驄馬來于時飛雪灑秦臺崑崙使者霓旌  
發姑射仙人羽節迴色映繡衣朝攬轡光分藜閣夜  
掄才從今詎數隨車雨佇看商霖遍九垓

恭賀直指按臺

邊隅再覩繡衣裳父老攜壺滿渭陽秦苑驂騑來大  
夏漢家租稅到西羌蒲稍製曲歌天廟蒟醬編年自  
夜郎劉晏持籌饒遠畧已知威德及遐荒

乙未除夕同黃文仙賈韞生曹夢石馮虞卿王  
貞符王遜菴諸子守歲

天涯又報歲將除雙鬢挑燈萬感餘乘雁每慙虛俸  
米六鰲今始奠坤輿

時地震  
始寧

浮名屢玷中臺疏歸興

難忘下澤車且喜團圞朋輩在隴頭濁酒共春蔬

丙申元旦日試筆



秦川使者滄洲客忽忽行年四十三頰首事人如弱  
女傷心顧我未宜男從他宦巧誇茹蔗任我官貧且  
被柑腸斷鄉園數千里鵲鴿無夢度嶠函

秋日寄王瞿菴

蓬萊佳氣靄銅龍玄髮登朝世所宗遷客向衰聞  
簪侍臣高譙對芙蓉長楊扈獵車千轂深殿譚經  
席數重宣室首承明主問莫將名字及丁恭

立秋後五日郭給事涵九枉顧天水因邀高虞

賓小讌玉泉喜而有贈

戟門深掩似山阿  
鸚鵡傳言上客過  
對爾一樽驚病減  
別來三月覺愁多  
隄囂故壘迷衰艸  
太昊荒臺長綠蘿  
况是登臨秋色好  
羊求相和發高歌

祁山武侯祠

丞相當年六出師  
空山伏臘有遺祠  
三分帝業瞻烏日  
二表臣心躍馬時  
風起還疑揮白羽  
霞明猶似見朱旗  
一從龍卧今千載  
魏闕吳宮幾黍離

送塗鶴臯赴南陽太守

熊轡秋日下岷嶓  
共道劉琨攬轡過  
西塞故人從此別

少南陽循吏古來多車前三月  
眠馴雉隴上雙岐表  
異禾三戶城邊應露冕幾年生  
聚近如何

送別何畫生

西州循吏似君稀何事天涯放  
逐歸文法若爲才子  
密雲山況使故人違魚懸邸舍  
知官冷馬融秋風共  
客飢求劍由來明主意不須長  
嘆薜蘿衣

寄候寶鸚鵡太傅

上相懸車出薊丘至尊親解御  
貂裘千官襍帳榮疏  
傳五嶽還册羨鄴侯黃鸞自鄰  
君子豈赤松元仲

而游釣叢谿畔明農客時向東舉一隅半

其二

履聲再上近星展薄海驚看社稷臣天下君宗推伯  
起閭中賓客笑平津主恩在昔尊三老父執於今在  
幾人慚愧西州門下士感激不獨爲車茵

其三

憶昔倉曹忝備官紫宸朝罷珮珊珊憂時鬢髮纔垂  
白正色威儀想渥丹桂樹一枝沾下秀蓮峰高掌杖  
頭看古來賢達如公少神武門前雨卧冠

具門

聞道東山存草堂  
清秋兼葭露蒼蒼  
散金宗族門常滿  
爭席田翁醉不妨  
甲第惟餘宮一畝  
午橋可有樹千章  
何時來訪烏衣宅  
再拜趨陪弟子行

宿止方鎮廢寺

襖被衝泥路未諳  
中宵彌勒喜同龕  
殘書幾葉乏官燭  
破壁四鄰空雪嵐  
征馬嚼草苦難厭  
小童倚枕何太甘  
平明束帶覓手板  
誰道稽生嬾不堪

郭巖立將軍初度

征南幕府客如何，初度開筵燕喜多。  
檄到劍門真不險，年來江水竟無波。  
紫苞近出箕箒谷，綠醕長浮鸚鵡螺。  
聞道雪兒新授曲，譜將鶯語入饒歌。

丙申生日秦州作

留滯天涯歎此身，每逢初度倍霑巾。  
橐餗無救鵠原急，竊祿空嗟馬齒新。  
白髮來如不速客，青山應笑未歸人。  
亦知張翰傷心極，詎爲秋風故國尊。

九日秦州

萬里西征亦壯哉，籬邊三見菊花开。  
蟹螯欲把不可

得雁聲入耳何其哀  
俸錢殆盡且酤酒秋雲雖好愁  
登臺何日拂衣滄海曲長歌短笠歸徂徠

申素園先生輓詞

甲申之難先生死焉是  
公是時方叩闕請鮮

乾坤何事竟滄桑  
野艸磷磷碧血光  
浩氣自能昭日月  
忠魂原不計蒸嘗  
定爲精衛填東海  
時駕文螭覽大荒  
况有遺孤稽紹在  
彩毫五色倍琳琅

其二

鶴廳清切漢官儀  
憶共先人結綬時  
交映鵷鸞趨魏闕  
雙騎箕尾到坤維  
山川不瘞長弘血  
風雨猶懸姑

歲暮  
歲旗一望寒烟迷華表遙瞻松柏倍凄其

杜祠飲歸留別歐陽介菴

邊城楊柳倍依依客子登臨惜落暉霜雪憐余衰鬢  
早雲山知爾吏情違雙柑載酒看花去五夜聽泉  
雨歸珍重此游難再得莫教羌笛濕征衣

留別秦州諸生

昔忝諸生一日師敢將雙眼闚波斯何人曾倒中郎  
屣惟爾能舉大將旗隴上梅花催短笛淮南桂樹  
高枝他時清渭開雙鯉好向秋風寄所思



岐山謁周公廟

元聖官牆枕鳳川，玄裳赤舄貌依然。  
金滕北面銘書日，衮繡東山破斧年。  
古柏蕭蕭留晚照，周原煦煦潤流泉。  
丹青半落還堪拂，猶繪關風七月篇。

雨中過訪東雲繼孝廉山居

疎雨青青柿子林，枯樺聲外艸堂深。  
看雲似向山陰路，入戶猶聞梁父吟。  
三代尊彝留一室，四鄰丘壑鬱千尋。  
叢竹笠相要久，攜手蓮花玉女岑。

華州同東雲繼孝廉王心古過孫氏竹園

鄭縣城南此解鞍雨餘芳艸逼人寒落霞倒映花千  
色新粉輕搖竹萬竿繞樹黃鸝聲晚晚當樓青嶂勢  
噴玦何當二仲頻來往載酒吹簫月下看

其二

暫緩王程得勝游園林初霽似清秋主人何必戴安  
道佳客無如王千猷雅有暮雲供徙倚况逢山色倍  
銷憂卜居欲就箕畚谷回首風塵愧白鷗

登西嶽廟萬壽閣

崔魏傑閣王爲寮白帝離宮倚絳霄檻外河山三輔

小巖前觴豆百靈朝明星環佩集來濕仙掌芙蓉樹  
欲搖會御長風凌絕巘青鸞背上夜吹簫

其二

咸京西望接平蕪下界陰晴乍有無九曲流從星宿  
海五陵烟瑣帝王都蓮華弄影空青落瀑布當廳雪  
練鋪咫尺三峯聊徙倚不須採笈索真圖

雲臺觀

三峯峯下羽人居夾道青松覆碧渠金榜蝌文程遠  
篆玉函龍氣老聃書荷鋤種藥他年事倚杖穿雲此

地初柏子一食身力健芙蓉蒼翠濕衣裾

同東雲羅王心古諸君登華山雲臺峯

丹梯千仞倚嵯峨萬轉盤紆出辟蘿少華西來朝白  
帝太行東望走黃河欲從玉女窺蓮井須向仙人借  
斧柯襍被同君星漢外方知天上白榆多

登華嶽作

遙遙青黛削芙蓉此日登臨落雁峯霄漢何人騎白  
鹿天門有路跨蒼龍流沙弱水真杯勺太白終南並  
附庸却憶三靈開闢日神功橐籥費陶鑄

其二

獨上鉤梯覽大荒  
秦關終古氣蒼蒼  
天開閭闔繞尋  
尺地界離梁  
入渺茫  
五粒松搖羣帝珮  
三漿露挹百  
神觴  
仙人方罍青冥上  
更欲凌風度石梁

其三

松風謾謾步虛聲  
杖策高尋衛叔卿  
星近祠壇光欲  
墮  
月臨仙掌夜偏明  
扶桑萬里天鷄曙  
箭括三更  
馬鳴誰信楊雄擅  
詞賦不將綵筆記層城

其四

石樓玉井絕攀緣呼吸分明尺五天丹嶂似疑神禹  
鑿蒼松猶是武皇年九霄唳鶴明星館百道飛虹瀑  
布懸近日君王徵禪艸小臣欲奏白雲篇

書成侄嵐年兄異夢卷

茗榮入夢事偏奇蕭瑟文園病渴時已晤色身空四  
諦忍令服散怨雙姬天花自繞維摩室綵筆重開京  
兆眉孔雀誰題新樂府香奩高韵寫烏絲

其二

鑿山焚後魚無恙萬棟栖時燕并歸天付玄霜需玉

昔人從朱雁惜金徽迎來桃葉新開扇  
度梅花舊舞衣試向水晶簾下過  
卻妨鸚鵡喚名非

和愚山和尚韻贈笑堂上人

杖錫飛來不記年袈裟猶帶石門烟  
長江到處杯堪渡五嶽游歸履未穿  
祇樹園開花是雨水田禾就雪爲綿  
龍華會上如相識乞食曾聞袒右肩

季天中給諫見貽詩畫使回却寄兼懷李吉津學士郝雪海侍御

故人尺素自三韓懷袖祗回不忍看  
詩寄數行皆涕

溪畫題雙絕比琅玕漢家逐客崔亭伯遼海人宗管  
幼安聞道聖朝求故劍願言同輩且加餐

贈別高彤卿孝廉

幾年清夢隔烟霄信宿來過慰寂寥燕市佇看珠勒  
馬龍城空折綠楊條樽前春色憐芳艸雨後鶯聲滿  
畫橋得意上林飛尺素歸鴻早晚度西遼

鸚鵡

雕籠萬里托征鞍辛苦何辭行路難幽閑恰添嬌女  
杆方音猶作部民看且分薄俸供秔稻莫遣春風瘁



羽翰流水隴頭相憶否剡雲邊月不勝寒

侍御韓西軒先生釣臺

先生蚤歲返丘園選勝垂綸此結軒赴海遙看千派  
入倚雲高見一峯尊月明華表松杉影

先生墓在臺

雨洗丹梯杖履痕誰謂風流難再嗣客星今已屬

諸孫

先生孫桃平隱浙東子新居  
賓縣并有文名稱高士云

初夏同楊九章太守王心任郡丞宴南臺寺

孤臺縹緲俯長河參佐追陪到薜蘿黃鳥鳴時烟樹  
合白鷗飛盡夕陽多渡頭吹笛聞漁唱月下烹泉試

茗柯此日接離須倒載莫教歸騎促笙歌

方爾止訪余北平未幾別去

先兄爲同邑儒人所陷予欲移家避之

鳩茲一別限河梁塞上重逢淚萬行  
我有兄簪羞共國君因家難滯他鄉  
邊城蘆酒還堪醉篋裏并刀好自藏  
暇日同尋射虎石爲憐意氣尚飛揚

其二

騷歌哀怨寫秦箏彈得新詩出塞行  
久客漸多燕趙氣感時不盡古今情  
佳人絕代應難再好友無家愧此生  
惜別莫將灤水照二毛蕭颯倍堪驚

悠然堂同趙次公太塗作

官似僧寮盡日扃悠然一榻讀書亭  
簷前雲與新蕉碧臺上山連大漠  
青長劔陸離公子佩十年飄泊使  
臣星故人漫理將歸曲只恐難爲塞  
客聽

寄王湘璞方伯

鯨波未息海天隅轉餉功高漢大夫  
鴻雁四郊堪繪畫艤艫千里仰儲需  
榕城樹古傳螺女薇省花香飽荔奴  
參佐試將雙鯉去梅開莫遣驛書無

迎鶴詩

雙鶴閒關到海濱玄裳縞袂爲誰馴辭家寧免傷羈  
旅築館多應愧主人舞向好風須盡態食分餘粒莫  
嫌貧燕城舊有參軍賦對爾長吟一愴神

畫眉詩

朱欄長日語關關解向花前喚小蠻綵筆漫誇京兆  
嫵嬌啼應感卓家山行雲欲過聲千轉新月斜分影  
一彎破盡客愁須倩汝不須更唱鷓鴣斑

馬鷄二首

珍禽弋得自臨洮也共司晨五夜號棲堞敢希鴻鵠

悲凌風詎有騶駟毛官閒漫學祝鷄叟暑冷真堪笑  
馬曹微物從來須鑒賞令人遺恨九方臯

其二

雙翹特起翠氍毹長傍雕欄承綠苔化石似從陳寶  
見應圖疑日大宛來一馴不川金爲距萬里何須龍  
是媒似哭燕丹生角後啼聲嗚咽有餘哀

永老少年

嫣然柯葉本青蔥點染深知造化功未到霜前悲未  
玉每疑花底面秦宮漫誇江上楓千樹留伴淮南桂

幾叢寄語夜郎狂  
李白艸中休誚白頭翁

送東雲雛二首

搖落邊榆客未歸  
故人衰白喜相依  
知君鬱鬱方求  
祿愧我勞勞欲  
息機脩竹堪思  
槐里醉塞鴻初  
向柳城飛東臨  
碣石觀滄海縹  
緲天風一振衣

其二

太華峯頭木可攀  
共君信宿白雲間  
別來頻夢仙人  
掌相見同悲客  
子顏衰敝每難  
酹濁酒書成真  
足副名山折腰  
吾斗從茲始種  
林栽花恐不開

贈劉殷卿茂才

幾年不見草元亭塞上相依泣鵲鵲綵筆已驚能作  
賦白頭將老愧傳經孤城落日悲羌管八月浮槎動  
客星伴我南征尋禹穴山陰道上萬峯青

將發會稽作

三年飽聽柳城笳又買蒲帆向若耶計口典衣先遣  
鶴攜鋤繞徑自澆花萼絲正美思千里書卷難拋費  
五車爲憶故園松菊在應憐衰鬢滯天涯

留別余占一儀部

鳴珂猶憶醉新豐一別青門歎轉蓬持節偶過君子  
里拂衣真見古人風書來但話山中桂客去應憐塞  
上鴻朋輩霜髭君獨早於今衰鬢已相同

贈朱鄧林

遼西又見管寧來高卧繩牀長綠苔野鶴已馴堪并  
放海鷗相對果無猜千尋青壁誅茅穩二月黃精帶  
雪開東國遺民時問訊雙鳬何日到蓬萊

舟次清源贈彼岸禪師

授得曾登選佛場賜衣親拜御爐香經翻少室三花



秀水接曹溪一派長  
法雨自隨飛錫注  
禪燈不假交

珠光

師纂傳  
燈續編

風塵冉冉南征客  
暫繫扁舟到講堂

寄楊猶龍方伯

萬里橋頭雁不飛  
別來清淚幾霑衣  
詩從巴峽千篇好  
客到風塵百事違  
方物漫誇邛竹異  
書生親破錦江圍  
中朝啓事頻推轂  
會見雙星入紫薇

其二

南征諸將繫戈船  
司馬文章喻蜀傳  
轉粟自來愁白帝  
宦途今日更青天  
風流燕趙登樓客  
露布巴渝洗

按雅堂詩集  
甲年詞賦定從橫  
槩得封題寫向薛濤箋

送張蔚生明府之任劔州

使君雙鳥最東牟  
忽報三刀領劔州  
路出白鹽沙澗  
瀕雨連青嶂  
鳥鉤輶頻經戰伐  
餘新鬼近日征徭類  
反裘退食從容公  
事了刺桐花下聽農謳

其二

棧閣崔巍涪水西  
芙蓉十二與雲齊  
幾年漢使逃金  
馬萬里江流見石犀  
講學文翁今再覲  
勒銘張載有新題  
相思愁殺峨眉月  
山木蒼蒼杜宇啼

五言排律

奉獻海寧相公三十韻

鼎鉉傳新敕絲綸簡上卿  
荆官需弼亮爵典重真清  
九牧推英衮明公有大名  
盛年趨魏闕高論主齊盟  
玉麈車中出仙舟郭外輕  
抽簪還白社攬轡爲蒼生  
清切文昌座韜藏武庫兵  
圖書光黼黻圭瓚洽神明  
秦岱銘方勒甘泉賦蚤成  
濟時需魏相稽古得桓榮  
一柱凌金掌三階正玉衡  
深衷調絳灌坦道對陵平  
聞闔天門啟風雷海甸行  
帝方資獻納世已際由

庚繞砌瓊爲樹鳴珂火作城紫宸瞻北斗彩筆動西  
京籍甚平津閣虛慚稷下生事殊中散獄驂解大夫  
嬰厦燕心誠喜籠鵬翮尚驚鹽車終一顧奮迅欲長  
鳴

送吳雪航先生按部山左

風雨橋陵後絲綸魏闕傍西京餘往蹟司隸有新章  
馳道鷁鸞集天門虎豹藏青蒲曾諫獵白簡屢排闥  
痛哭憂三輔從容乞尚方衆皆危廣漢帝亦憐張  
綱中夜宣彤陛東巡攬繡裳聖辰高越觀碑版憶秦

皇好過平津里還訪鄉子鄉風雷驅害馬父老拜神  
羊豢職須山雨澄清到海王餘年慶假寒國士賴攜  
將入洛逢元禮生齊悅偉張十年厭執轡九載喜歌  
魴何日酬知己悲鳴望太行

賀范相國長公晉少中丞次公選入翰林

昭代開新運元臣起舊都中原當艸昧一德借匡扶  
天祥神堯曆功符大禹謨芳蘭元並秀威鳳本雙雛  
扈聖風雲際連鑾日月衢彈文臨御仗視艸近香爐  
驄馬廻鳩鵲銀魚映柏烏宣麻看虎拜珥筆繼龍圖

風借鴻鈞力欣逢盛事俱宮牆窺二妙真美鯉庭趨  
代贈謝臬長路然

盛代開屏翰名卿作股肱旌旗雄楚甸弦管醉鍾陵  
攬轡人爭美祥刑帝所矜春回犀燭照清切玉壺水  
亭以歐公號山原謝傳登騶虞南國頌螭陛上合徵  
自哂駑駘並由來雁鶩乘非公操鑒度誰與容滯澁  
知己寧謀面啻恩獨服膺蒼茫瞻白鷺跼蹐戒青蠅  
欲折梅花寄聊將鯉素憑願言依劍履東閣待孫弘

爲白仲調母夫人壽代黨大司農

南國歌賢媛蘭陔日正長車曾親挽鹿豕是舊占  
孝節偏生砌貞筠不避霜洗心談浩劫淨業禮空王  
令子如崔寔成名學范滂白華詩競奏彤管史傳芳  
冀北鴻初舉周南鷺欲翔共誇珠作樹親見海爲桑  
萊綵歡無極潘興樂未央嘉辰欣設帨良友盡登堂  
浮棗還飡玉烹鱸復鱸餘從羣彥後介此萬年觴  
過王敬哉先生新集

一年俱謫宦三逕告初成靜考烟霞理閒知艸木情  
入門千竹亂當逕一橋橫檻與石高下牕因峯晦明

忘機山鳥過博物野花名  
藜杖來深巷柴扉有故盟  
豈惟恣討論兼得贊經營  
酌酒冠仍脫攤書僕屢更  
月從新柳上雨帶晚蟬鳴  
却憶軒車客勞勞信足驚

李鏡月太夫人壽

白也真吾友論文燕市前  
世家洵不忝壽母更堪傳  
黃鵠吟何早蒼筠晚愈堅  
教從懷橘日恩憶斷蓊年  
手製芙蓉服心通水月禪  
盈階看玉樹半偈禮金仙  
素魄秋方皎斑衣曉正懸  
白雲王母頌青雀孝廉船  
何日登堂拜吹笙機杼邊



送洪中堂視師五省

代王少司農作

聖主敷文德宗臣鎮遠方  
禁中頒虎節天上過龍驤  
車出周方叔籌分漢子房  
據鞍辭玉陛聚米詒金湯  
祖帳傾朝輦臨歧拜御床  
貂裘傳內殿羽扇到巖疆  
七萃皆魚麗千旗盡鳥章  
名駒追月疾勁弩射潮強  
鵝鵲知兵氣蛟龍避甲光  
軍中閒蹴鞠陌上課條桑  
料敵紆奇策登民佇小康  
楚人安叔子蕃姓識汾陽  
旌節安西部弓刀出塞裝  
陳琳來幕下王粲在戎行  
不日埋銅柱先聲下越裳  
蠻君輸象齒洞女貢椰漿

露布馳三殿風烟靜八荒梅花參笛曲楊柳入鏡章  
下客牽朝役全家滯夜郎蒼梧雲在望黃耳信難將  
子舍迷鴻雁公行咏斧斯親衰難負弩子弱解攜簪  
奏凱知無敵還朝宴未央山河開帶礪日月繪旂  
常庶以鈞陶力斑衣歸艸堂

代送党司農致政十韻

元老惜分攜青門匹馬嘶旌旄雙闕外雨雪二陵西  
吾道歌衰鳳君心卜放鷹屢聲留殿上承籙自天題  
祖帳看黃髮憑軒降紫泥日歸尋鹿豕旣醉咏鳬鷺

歲月供高枕烟霞且杖藜漢陂春自泛華岳老能躋  
相過餘樵牧兼聞罷鼓鼙他年後車載應在釣璜谿

爲別

一爲秦塞客風雅道全疎下榻聊因汝論詩實起予  
酒憐無白墮賦喜頌黃初吾道澹而久其人靜有餘  
看山常負笈破產爲藏書鴛瓦隗器里龜文太昊墟  
登臨多感慨懷抱獨欷歔詎肯彈馮鋏由來哭阮車  
自憐門寂寂真愧屋渠渠樹淮南舫梅花霸上驢

卷之五  
三  
畏糧尋一華鼓椎弔三閭念此關山別清樽爲爾虛  
聶益我先生七奏壽詩十五韻

三晉多耆舊先生德業尊晚年方注易少日不窺園  
郭泰名元重王通道自存青箱親授受未鳳早騰鶩  
諫艸傳家學高風遍國門豸冠宜鶴髮鳩杖挾麟孫  
蟠日迎丹錄元辰啓綠樽絳人三百紀荏皮五千言  
松菊徵君宅柴桑處士村儒林推伏勝壘德游周姬  
石髓和雲煮金莖繞砌繁躬耕依谷口使節向河源  
欲効三多祝深慚一顧恩萬年歌壽考金石願無諼

嫁梅詩

已亥秋予將出仙寓二亮有悼亡之思著中梅一株舉以爲贈作嫁梅詩奉別

乞得羅浮種偏知柳塞春閒能容客傲性不厭官貧  
槩几傳香遠疎簾映月真凌風閒淺靨帶雪似輕顰  
詩興揚州閣烟波洛水神詎隨羌笛落時繞畫闌  
不忍臨歧路因之贈故人攀條烟漠漠剪葉玉蓁蓁  
試顧燈邊影還疑掌上身拂衣香不減對鏡粉初勻  
留伴林逋老曾爲宋玉隣何年逢驛使折向隴頭頻  
灤河放舟暮登釣臺得十八韻

放棹下飛瀾川原正薄寒岸遙沙似月霜冷葉初丹

漆水交流駛灤江引派寬  
篙師輕解艫石子碎琅玕  
歸鳥紛何向秋雲無定端  
村烟林外暝野燒谷中殘  
日脚連紅岫星光滿碧瀾  
高臺臨瀕洞孤嶂挿蠻旻  
狀類三尋戟名同七里灘  
陰崖巢鶴宿深瀨蟄蛟蟠  
石筍堪爲仗藤鬚或碍冠  
橫槎施蟹簍束葦照漁竿  
山鬼嘯還滅驚鷗去復安  
客懷方悄悄徒旅欲喧嘩  
勝地廻舟顚勞人載酒難  
北崦松桂好更擬撥雲看

七言排律

題畫贈上和陽明府

先生金粟後來身生及神宗踐祚晨駟雉會臨邛子  
國杖鳩今見葛天民青山載酒呼棋局溟海浮槎理  
釣綸門巷高眠彭澤柳兒童爭識介休巾編成玄草  
蟲書古註罷黃庭鶴髮新西塞漁歌時共和東鄰社  
酒不辭頻花開金谷園中錦座引香山會裏人老據  
雕鞍誇矍鑠健同碣石關嶙峋松風瀟灑陶貞白剡  
曲徜徉賀季真樹在謝庭皆王立詔從魏闕下蒲輪

神仙掌故燈前閱試問滄波幾度塵



七言絕

丙申人日大雪同郭將軍游卦臺

時方大計

驅馬郊原興欲酣  
不辭僵卧到空嵐  
長安若中考功  
法冒雪看山是一貪

馬嵬

何事漁陽動鼓鼙  
香魂不逐六龍西  
可憐杜宇聲聲  
血只在長生殿裏啼

娑蘿坪

撥雲穿霧踏天階  
婚嫁終令夙願乖  
有約重來尋白

帝娑蘿樹上挂青鞵

道上見除日吳贊皇擢莊浪副憲吳由鞏昌守

道調

璽書飛下古涼州旌節還爲出塞遊見說使星如弱水一生只解向西流

邢州道中

暮雲驅馬意徘徊鉅鹿城頭畫角哀無限太行遮不斷西風萬里逐愁來

過黃梁祠有感

盧生醒後更何人半爲浮名誤此身欲向山中成小  
築醉鄉長與夢鄉隣

其二

冉冉征途鬢欲絲秋風下馬拜荒祠十年閨盡人閒  
世不待龜茲一枕時

同歐陽令飲鳳凰山下

峽口寒雲艸木黃杜陵人去水蒼蒼朱絃一曲飛龍  
引知爾重來下鳳凰

其二

茅茨深處隔烟霞，雞犬寥寥有數家。  
寄語武陵仙吏道，莫將征稅及桃花。

同歐陽同谷待趙雨當不至

萬壑參差月漸低，晚風衰艸倍淒淒。  
桃源只許漁人問，車馬來時路已迷。

下山別歐陽大令

纔聽宵鐘夢已闌，吏人無奈促歸鞍。  
城頭一片空濛色，拄笏朝朝讓汝看。

青陽峽

夾岸長楊接翠微  
亂流高下見柴扉  
空山十月無冰  
雪紅蕖叢中蛺蝶飛

送周岐公孝廉計偕

公子翩翩寄一羶  
馬蹄蹀躞錦連錢  
宮人喜誦王褒  
賦多士誰先祖述鞭

其二

春風御苑獻長楊  
才子鳴珂出建章  
多少玉人樓上  
指錦袍白馬是周郎

石仲生太史以新茗橄攬見貽賦謝二首

陽羨針芒穀雨前封題遙寄塞門邊君情可比灤江  
水汲向匡床手自煎

其二

酸香未變碧於藍此物由來自廣南信是宦情如諫  
果不知回味可能甘

爲方爾止題抱鴛圖四絕

鴛鴦湖邊避亂時爲郎曾賦定情詩何堪再見張京  
兆絕筆三年不畫眉

其二

天意偏教殺綠珠，  
鴛鴦人與墜樓殊。  
可憐冢上相思樹，  
夜夜啼鵲傍老烏。

其三

鴟絃一絕永無音，  
莫怪相如飲恨深。  
犢鼻著來將淚澣，  
誰能更頌白頭吟。

其四

爾止姬入死于怨家  
之手作憂恨歌記之

圖畫詩篇總斷腸，  
人間那得返魂香。  
報仇才証西丘杳，  
果來世應爲聶隱娘。

再咏畫眉

楊家姊妹鬪新粧  
號國雙蛾獨擅場  
今日花前歌宛轉  
轉依稀還似奏霓裳

戲東趙千門

故人得意曲江初  
來訪窮交伴索居  
八月灤河秋鰓  
賤翻教客舍歎無魚

其二

地主貧來旣屢封  
徭庸深愧不能供  
綢君近報炊烟  
絕恰似盧龍塞上烽

其三



有客臨邛騎甚都  
揮鞭調笑倚當爐  
但飲莫須愁解  
贈爲君徐付酒家胡

南旺湖堤步李考叔韻

長堤曲曲接平沙  
楊柳陰陰繞徑斜  
惆悵浣紗人不  
見芙蓉空對水紅花

寄米吉土

故人爲政近如何  
渺渺孤帆隔濁河  
試向月波樓上  
望浮雲不似客愁多

其二

萬里曾爲秦塞客扁舟又過浙江湄爲報沈郎腰似  
磬定知潘令鬢如絲

其三

當年裘馬鳳凰城醉後天街踏雪行記得摩訶菴裏  
路晚涼風雨讀書聲

其四

長憶君家石又齋峰巒奇絕八音諧自從不下南宮  
拜一片寒光何處埋

其五

垂老何堪賦索居況逢多難倍愁予莫將縑素論長短但道新人故不如

其六

繩床茶竈競譚鋒襍被蕭條半夜鐘若問歲寒青不改慈仁閣下雨株松

其七

綵毫藉甚第三郎天子門生獨擅場見說火攻諸弟幼先鞭不肯讓元方

其八

右軍兒子悉同生  
珠樹琅玕得似卿  
我獨何辜憐隻影  
飄搖江海不勝情

六言絕

六言雜感

鄉信久無白雁邊樓惟有黃雲試問隴頭遷客何如  
宕子從軍

世事雲翻雨覆功名水到渠成塞馬去來無恙楚方  
得失休驚

仕農畢竟誰優兩者徘徊未果今之從政殆而惟有  
翊而後可

竊鈎自古有誅不謂懸之令甲首陽若戴烏紗薇蕨

將無枉法

小閣乍晴乍雨愁懷或哭或歌一枕大槐安國白衣  
蒼狗由他

班女方悲團扇昭儀却閉空宮自古蛾眉難畫漫誇  
誰拙誰工

長安萬事如奕舊譜翻來更新聞道崖州編管瀕行  
卻畫麒麟

李廣墳邊弔古歸來懷抱縱橫恨殺隴川酒薄澆愁  
只到三更

拙性庸還吾尚微官祿而不祿專救居然一將部曲  
未滿百夫

騎省十年不調中郎一歲三遷鵬鷃但知互笑夔魃  
不解相憐

雪後卦臺遺跡微茫尚辨軋坤一自羲皇多事誰爲  
混沌稱寬

閉閣焚香兀坐支頤讀史三過陋矣江淹恨賦古今  
奇恨還多

麋鹿秦山多有魴鰈渭水全無更恨不宜種秫陶公

釀酒何需

見說蒲梢天馬籀雲汁血何稀不是龍媒已盡今之  
相者舉肥

歲月逢迎使者往來不解征鞍試向郵亭借問幾人  
新斬樓蘭

鳥鼠尚然同穴螺麤也自宜男蠻觸不知何事角端  
大戰方酣

孫勝生至永偶成六言五絕句爲贈

久別方悲離索相逢莫歎蹉跎爲問青山無恙驚看



華髮譚多

廢器長卿已老臨卽西壁依然莫向長門賣賦於今  
狗監無權

心事瞳瞳皎日故人落落晨星縱有香山雅會其如  
杖屨伶仃

陶令久無宦志煩君歸語鷓鴣尤恐隣人素信示以  
歸去來辭